

傷寒雜病論集解卷第三

日本 醫師法眼細矢東安惟貞著

傷寒例愚評

按傷寒例一篇全非仲景傷寒雜病論本例但是叔和新定傷寒論凡例耳夫仲景云傷寒則與雜病相對爲外感之總名必非若叔和謂溫病一證之謂也而此篇所言但以寒氣爲溫病之根因或以四時不正之氣爲疫且妄增溫瘧風溫溫毒溫疫之名以背仲景之本旨鹵莽乖舛不得其宜終

無益於世反致學者之疑網矣因今附愚評以定其所取舍非敢爲挫前賢實恐仲景之道隱也不得已而存正之耳

陰陽大論云春氣溫和夏氣暑熱秋氣清涼冬氣冰列此則四時正氣之序也

諸註本冰列作冷列○叔和所引陰陽大論之名其誣人也久矣冬時嚴寒萬類深藏君子固密則不傷於寒觸冒之者乃名傷寒耳

此其文正而其意大有癖也叔和所謂傷寒但是

溫病一證而已其傷於四時之氣皆能爲病以傷寒爲毒者以其最成殺厲之氣也中而卽病者名曰傷寒

四時之氣春溫夏暑秋涼冬寒是也夫寒雖爲殺厲之氣而生長化收藏之常却以其殺厲爲用乃四時之正氣未必有毒也此毒別有一種與寒氣何與焉蓋叔和以寒爲疫之根因故以殺厲字喚出毒字以說衆人均病之温病出來然其說支離破碎難以通也夫仲景云傷寒者外邪之總名也則風溫暑濕亦該其中矣素問曰熱病者皆傷寒

之類也。難經曰：傷寒有五，有中風、有傷寒、有濕溫、有熱病、有溫病。由此言之，有總名傷寒者，有時令傷寒者。右傷於風寒者也。而叔和唯以寒爲溫疫之原，一年四時都是溫病，都是爲寒所折其所，傷寒而卽病者反置而不論。但明異氣之輕重不同，唯從寒字內分傷寒、溫病、暑病、時行冬溫、寒疫等之名出來。

不卽病者，寒毒藏於肌膚，至春變爲溫病，至夏變爲暑病。暑病者，熱極重於溫也。是以辛苦之人，春夏多溫熱病者，皆由冬時觸寒所致，非時行之氣也。

冬則曰傷寒，春則曰溫病，夏則曰暑病。此似乎由時令之寒熱温涼而變其名也。然則秋者應涼，其病名謂之何？且言寒毒藏於肌膚，至春至夏靈樞刺節真邪篇曰：真氣者所受於天，與穀氣并而充身也。吁！寒毒藏於肌膚，何不與此爭耶？若不爭，則氣化衰於內，其人應吐利厥逆，假如感冒一證，風寒所傷之最輕者，苟有觸之，則惡風頭重，鼻塞噴嚏欬嗽，未免有此也。而今冬時嚴寒所傷，其患尤非細故。何能俟至春至夏之久乎？是知冬時之寒，乃天地之常事，未必爲疫也。

凡時行者。春時應暖而反大寒。夏時應熱而反大涼。秋時應涼而反大熱。冬時應寒而反大溫。此非其時而有其氣。是以一歲之中長幼之病多相似者。此則時行之氣也。

四時氣候不正爲病。謂之時行之氣也。上文以冬時觸寒而致病者言疫。此以時行之氣言疫也。

夫欲候知四時正氣爲病及時行疫氣之法皆當按斗曆占之。九月霜降節後宜漸寒。向冬大寒至正月雨水節後宜解也。所以謂之雨水者。以冰雪解而爲雨水故也。至驚蟄二月節後氣漸和暖。向夏大熱至

秋便涼。從霜降以後至春分以前。凡有觸冒霜露體中寒卽病者。謂之傷寒也。

若此說則霜降以後至春分以前病者謂之傷寒。春病者謂之溫病。夏病者謂之熱病。蓋叔和之意但以傷寒爲溫疫。故因時令而變其名爾。余論則不然。無論四時傷於寒謂之傷寒。傷於風謂之傷風。感疫氣謂之溫疫也。不拘於時令。但隨邪之見證已。

九月十月寒氣尚微爲病則輕。十一月十二月寒烈已嚴爲病則重。正月二月寒漸將解爲病亦輕。此以




冬時不調適有傷寒之人卽爲病也。

九月十月寒氣尚微十一月十二月寒冽已嚴此四時之常也。凡病之輕重因人之虛實耳何在乎天令之所私也。靈樞五變篇曰犯者得之避者得無殆非求人而人自犯之。

其冬有非節之暖者名爲冬溫冬溫之毒與傷寒大異冬溫復有先後更相重沓亦有輕重爲治不同證如後章。

冬有非節之暖者名爲冬溫所謂冬溫字是病名與時令與未可知也果其病名則非節之上當有

感若傷寒字不爾似乎指時令而言然曰冬溫之毒與傷寒大異則是知病名也上文則云冬時應寒而反大溫此非其時而有其氣此則時行之氣也此云冬有非節之暖者名爲冬溫此其辭異而爲冬之溫也則同又上文云以傷寒爲毒此云冬溫之毒蓋裝頭不能蓋脚其雖多亦奚以爲設冬時溫暖膚腠不密感冒流行儘多雖然足是何毒之有毒乃天地之厲氣非寒熱温涼之所與也是以溫疫四時皆有常年不斷但有多寡輕重耳先後如上文九十正二月證如後章指下草溫瘡風溫溫



毒溫疫爲言也。

從立春節後其中無暴大寒又不冰雪而有人壯熱爲病者此屬春時陽氣發於冬時伏寒變爲溫病。冬時伏寒所發於春時陽氣以爲溫病此似乎以其時令而命其名也。

從春分以後至秋分節前天有暴寒者皆爲時行寒疫也三月四月或有暴寒其時陽氣尚弱爲寒所折病熱猶輕五月六月陽氣已盛爲寒所折病熱則重七月八月陽氣已衰爲寒所折病熱亦微其病與溫及暑病相似但治有殊耳。

夏有非時之暴寒此爲寒疫是亦與上文冬有非節之暖者名爲冬温意相同矣蓋叔和但以非時之寒暖爲疫故歸咎於天令而不言人自犯之豈理也哉夫上節則云寒毒藏於肌膚至春變爲溫病至夏變爲暑病春夏多溫熱病者皆由冬時觸寒所致而此節則云從春分以後至秋分節前天有暴寒者皆爲時行寒疫也又上節則云十一月十二月寒冽已嚴爲病則重而此節則云五月六月陽氣已盛爲寒所折病熱則重抑上節以冬爲病重而此節以夏爲熱重上節云溫病而又此節

云寒疫前後矛盾支離破碎其說難以通蓋叔和拘于素問謂冬傷於寒春必病溫之句乃以寒爲溫病之根因是以指冬之伏寒至春至夏而發此爲溫病爲熱病也又以感於非時之暴寒此爲寒疫也夫溫疫也始終一於爲熱何以得名寒疫若此節所言輕則感冒重則傷寒也治法亦從感冒傷寒治之可矣夫素問謂冬傷於寒春必病溫者冬時攝養不密則至春陽氣無力鬱熱隨生此謂病溫也病溫者言其人發熱也必非叔和所謂病溫疫矣殊不知溫疫之原非寒邪之所爲乃天地

間別有一種之異氣所感也且其邪之所著有天受有傳染其毒從口鼻而入素問遺篇刺法論曰五疫之至皆相染易無問大小病狀相似不相染者正氣存內邪不可干避其毒氣天牝從來復得其往此與傷寒客於肌表大異治法亦各自不同也夫曰溫病曰熱病曰風溫曰溫疫曰疫屬其名各殊而其病則一也溫者熱之始熱者溫之終溫熱首尾一體故名溫病又爲熱病也其病如風流風俗能傳染於人故又名風溫也疫者說文曰役省也民皆疾也余曰疫猶吏役之役令民


仍

能畏伏也。延門合戶，衆人均病之謂矣。以其病溫熟謂之溫疫。以時行謂之時疫。以厲烈謂之疫厲也。即是傷寒中之一證耳。是以謂溫病曰傷寒可也。謂傷寒曰溫病則不可。而叔和以傷寒隸之溫病。是故通篇言溫病而傷寒之要領全不挈出。但以傷寒爲溫病爲暑病爲熱病。以傷四時不正之氣爲疫。以冬感非節之暖爲冬溫。以春發名溫病。以感非時之暴寒名寒疫。傷寒重感於寒者爲溫瘧。中風重遇於風者爲風溫。熱病重遇溫熱者爲溫毒。或更遇溫氣者爲溫疫。此愈繁雜而本源愈。

十五日得一氣於四時之中。一時有六氣。四六名爲二十四氣。然氣候亦有應至。仍不至。或有未應至而至者。或有至而太過者。皆成病氣也。

失使學者反增多岐之惑。夫叔和之於仲景也。何神乎。

名當作合。成本四氣下有也字。仍作而。○素問六節藏象論曰。五日謂之候。三候謂之氣。六氣謂之時。四時謂之歲。氣候應至而不至。未應至而至。四時不正之氣至而太過。言冬之嚴寒也。叔和之論。則一年四時皆是。寒之一氣所變。乃無舍寒而。



言病者矣是以上節曰至夏變爲暑病蓋暑病夏月新受之病豈其可相混耶

但天地動靜陰陽鼓擊者各正一氣耳是以彼春之暖爲夏之暑彼秋之忿爲冬之怒

此爲寒毒至春變爲溫病至夏變爲暑病之證文也彼春之暖以下四句素問至真要大論之文忿怒字亦爲寒毒之據矣

是故冬至之後一陽爻升一陰爻降也夏至之後一陽氣下一陰氣上也斯則冬夏二至陰陽合也春秋二分陰陽離也陰陽交易人變病焉

以_二上文觀之陰陽交易卽陰陽升降之謂矣易曰天地網緼萬物化醇設陰陽不交易則天地閉塞矣其時人爲何耶

此君子春夏養陽秋冬養陰順天地之剛柔也

上二句素問四氣調神大論文文

小人觸冒必墮暴疹須知毒烈之氣留在何經而發何病詳而取之

疹與疾同病熱疾也毒烈之氣謂疫氣也何病指後章溫瘡風溫溫毒溫疫也

是以春傷於風夏必殲泄夏傷於暑秋必病瘡秋傷

於濕冬必咳嗽冬傷於寒春必病溫此必然之道可不審明之

此素問生氣通天論陰陽應象大論之文也言春不調攝則夏必病夏不調攝則秋必病之義也非冬傷於寒春爲溫病夏爲暑病之謂矣

傷寒之病逐日淺深以施方治

仲景之治病也知邪之所而在而施方治耳凡邪在表則汗之在裏則下之在表裏之間則涼解之也果如叔和之說折指計日以尋六經之傳次則黎民亦曰殆哉

今世人傷寒或始不早治或治不對病或日數久淹困乃告醫醫人又不依次第而治之則不中病皆宜臨時消息制方無不效也今搜採仲景舊論錄其證候診脉聲色對病真方有神驗者擬防世急也

叔和分裁仲景傷寒雜病論作之傷寒論以傳於後世其功雖世稱然鹵莽卒不得其宜一盲援衆盲相將入火坑良可嘆也

又土地溫涼高下不同物性剛柔食居亦異是故黃帝興四方之間岐伯舉四治之能以訓後賢開其未悟者臨病之工宜須兩審也

素問有異法方宣論

凡傷於寒則爲病熟熟雖甚不死若兩感於寒而病者必死

自此以下素問熱論篇之原文

尺寸俱浮者太陽受病也當一二日發以其脉上連風府故頭項痛腰脊強

尺寸俱長者陽明受病也當二三日發以其脉夾鼻絡於目故身熱目疼鼻乾不得臥

尺寸俱弦者少陽受病也當三四日發以其脉循腸絡於耳故胸脇痛而耳聾此三經皆受病未入於府

者可汗而已

尺寸俱沉細者太陰受病也當四五日發以其脉布胃中絡於嗌故腹滿而嗌乾

尺寸俱沉者少陰受病也當五六日發以其脉貫腎絡於肺繫舌本故口燥舌乾而渴

尺寸俱微緩者厥陰受病也當六七日發以其脉循陰器絡於肝故煩滿而囊縮此三經皆受病已入於府可下而已

尺寸俱云云脉狀及此三經皆受病已入於府可下而已十四字必叔和之補入也夫曰三經受病

則邪仍在表也。曰已入於府，則病已入裏也。蓋三經者，太陰少陰厥陰也。此十二經一貫之經脉，乃莫異於太陽陽明少陽所謂表也。而謂之陰經，可矣。謂之府不可也。府者腸胃也。凡邪在經，則不論三陽三陰，均謂之表也。夫病在表，總無攻治之理。故仲景曰：須下者，過經乃可下之。此曰三經受病，則未可下也。曰已入於府，則是可下也。脉沉細微，卽爲病在裏之診。尤下之可矣。而此爲在陰經，亦疏也。吁！叔和不得於心，而妄吐陳言烏足補。仲景與。


若兩感於寒者，一日太陽受之，卽與少陰俱病。則頭痛口乾，煩滿而渴。二日陽明受之，卽與太陰俱病。則腹滿身熱，不欲食，譏語。三日少陽受之，卽與厥陰俱病。則耳聾囊縮而厥水漿不入。不知人者六日死。若三陰三陽五藏六府皆受病，則榮衛不行，藏府不通，則死矣。

其不兩感於寒者，更不傳經，不加異氣者，至七日太陽病衰，頭痛少愈也。八日陽明病衰，身熱少歇也。九日少陽病衰，耳聾微聞也。十日太陰病衰，腹減如故，則思飲食。十一日少陰病衰，渴止舌乾已而嚏也。十二

日厥陰病衰囊縱少腹微下大氣皆去病人精神爽慧也

以上素問熱論篇原文也更不傳經不加異氣八字非原文乃叔和之補入矣且引內經以證焉此亦叔和之私意也夫仲景撰傷寒雜病論以設三陽三陰篇目者卽是內經熱論篇之改正也何者內經之書雖本出於聖手或記者之傳托亦有焉凡經脉之行也始於手太陰終於足厥陰一日一夜五十度而復會於手太陰常營無已終而復始然則經脉者血氣流行之道路矣而應天之四時

十二月故其數十二所以得手足三陽三陰之名也分而言之太陽陽明少陽太陰少陰厥陰也合而言之其長十六大二尺一貫之流行也漏水下二刻之間榮衛一周循環是爲十二經脉也夫人受外邪則肌表閉肌表閉則氣血鬱氣血鬱則熱斯生也此豈得獨爲某之一經之病耶素問玉機真藏論曰今風寒客於人便人毫毛畢直皮膚閉而爲熱當是之時可汗而發也然則內經經脈傳次之說理與法不通必記者之傳托矣迺難以憑據是故仲景曲盡內經之奧而取太陽陽明少陽太



陰少陰厥陰十二字於熱論篇以爲彙諸病之綱

紀也而表之病彙諸太陽篇裏之病彙諸陽明篇

不表不裏之病彙諸少陽篇陰證彙諸太陰少陰

厥陰三篇也此仲景之三陽三陰所謂撰用素問

九卷八十一難是也夫叔和欲引內經以證焉便

後人知其所據者此孟子所謂若宋人助苗長者

也非徒無益而又害之可謂大背仲景之本旨矣

撰用
字眼

若過十三日以上不間寸尺陷者大危

成本寸尺作尺寸○間瘳也

若更感異氣變爲他病者當依後壞病證而治之
感異氣謂先病未已又感於別異之氣也則如以下文

若脉陰陽俱盛重感於寒者變成溫瘧成本成作爲
陽脉浮滑陰脉濡弱者更遇於風變爲風溫
陽脉洪數陰脉實大者更遇溫熱變爲溫毒溫毒爲
病最重也

陽脉濡弱陰脉弦緊者更遇溫氣變爲溫疫以此冬
傷於寒發爲溫病脉之變證方治如說

以此以下十字疑衍○傷寒重感於寒者變爲溫

瘧中風重遇於風者變爲風溫溫病更遇溫熱者變爲溫毒溫病更遇溫氣者變爲溫疫此則叔和之說也今按溫瘧見素問瘧論及要畧與此不同風溫溫毒溫疫同病異名也如風流風俗能傳染於人故曰風溫也如吏役之令人能畏伏衆人同伏故曰溫疫也溫毒卽溫疫之暴盛者也能害於人而其勢不可遏故曰溫毒夫如是輕輕平易立說則名自正而言自定矣

凡人有疾不時卽治隱忍冀差以成痼疾小兒女子益以滋甚時氣不和便當早言尋其邪由及在腠理

以時治之罕有不愈者患人忍之數日乃說邪氣入藏則難可制此爲家有患備慮之要

凡作湯藥不可避晨夜覺病須臾卽宜便治不等早晚則易愈矣如或差遲病卽傳變雖欲除治必難爲

力服藥不如方法縱意違師不須治之


凡傷寒之病多從風寒得之始表中風寒入裏則不消矣未有溫覆而當不消散者不在證治擬欲攻之猶當先解表乃可下之若表已解而內不消非大滿猶生寒熱則病不除若表已解而內不消大滿堅有燥屎自可除下之雖四五日不能爲禍也若不

宜下而便攻之內虛熱入協熱遂利煩躁諸變不可勝數輕者困篤重者必死矣

夫陽盛陰虛汗之則死下之則愈陽虛陰盛汗之則愈下之則死

此五十八難文陰陽以身之表裏言也病者爲虛不病者爲盛表和裏病是陽盛陰虛也表證既罷裏證已具者此可下而不可汗也表病裏和是陽虛陰盛也表證獨具裏證未形者此可汗而不可下也素問評熱病論曰邪之所湊其氣必虛夫如是則神丹安可以誤發甘遂何可以妄攻虛盛

之治相背千里吉凶之機應若影響豈容易哉况桂枝下咽陽盛卽斃承氣入胃陰盛以亡死生之要在乎須臾視身之盡不暇計日此陰陽虛實之交錯其候至微發汗吐下之相反其禍至速而醫術淺狹懵然不知病源爲治乃誤使病者殞沒自謂其分至令寃魂塞於冥路死屍盈於曠野仁者鑒此豈不痛歟千金神丹圓方附子烏頭各四兩人參茯苓半夏各五兩朱砂一兩右六味末之蜜丸以真丹爲色先食服如大豆二丸生薑湯下日三須臾進熟粥二升許重覆汗出止外臺方同外臺曰甘遂者



水導散也。其方白芷一兩甘遂二兩二味也。

千金水導散方。甘遂半兩白芷二兩大黃四兩

厚朴八兩枳實五枚芒硝三合右六味㕮咀以水

一斗先煮厚朴枳實取五升去滓內大黃煎取二

升去滓下芒硝更煎一兩沸分再服得快利止。

凡兩感病俱作治有先後發表攻裏本自不同而執迷妄意者乃云神丹甘遂合而飲之且解其表又除其裏言巧似是其理實違夫知者之舉錯也常審以慎愚者之動作也必果而速安危之變豈可詭哉世上之士但務彼翕習之榮而莫見此傾危之敗惟明

者居然能護其本近取諸身夫何遠之有焉

宋板妄作用誤矣錯與指同舉錯進退之意詭戾

也翕盛也。

凡發汗溫煖湯藥其方雖言日三服若病劇不解當促其間可半日中盡三服若與病相阻卽便有所覺病重者一日一夜當寐時觀之如服一劑病證猶在故當復作本湯服之至有不肯汗出服三劑乃解若汗不出者死病也。

煖一作服

凡得時氣病至五六日而渴欲飲水飲不能多當與

不也。何者。以腹中熱尚少。不能消之。便更與人作病也。至七八日。大渴欲飲水者。猶當依證而與之。與之常令不足。勿極意也。言能飲一斗。與五升。若飲而腹滿小便不利。若喘若嘔。不可與之也。忽然大汗出。是爲自愈也。

成本當與不作。不當與今按與人之人當作之。凡得病反能飲水。此爲欲愈之病。其不曉病者。但聞病飲水。自愈小渴者。乃強與飲之。因成其禍。不可復數也。諸註乃作亦

凡得病厥脈動數。服湯藥更遲。脈浮大減小。初躁後

靜。此皆愈證也。

厥其也。

凡治溫病可刺五十九穴。又身之穴三百六十有五。其三十穴。灸之有害。七十九穴。刺之爲災。并中髓也。

成本三十穴。作三十九穴。○五十九刺見素問刺

熟篇水熟穴論及靈樞熟病篇。

脉四損。三日死。平人四息。病人脉一至。名曰四損。脉五損。一日死。平人五息。病人脉一至。名曰五損。脉六損。一時死。平人六息。病人脉一至。名曰六損。脉者。一息四至。爲平脉。一息二至。爲病脉。三息二

至爲死脉四息二至爲命絕節至也此難經之脉法也至乎如此節四息一至五息一至六息一至則人莫有生息矣且傷寒溫疫俱係客邪爲火熱燥證脉亦應此而多數急也其病至死亦但苦火熱耳何至乎若是四息一至五息一至六息一至之遲也夫難經不云乎三呼一至曰死四呼一至曰命絕久矣哉叔和之言妄也

脉盛身寒得之傷寒脉虛身熱得之傷暑此素問刺志論之文也脉作氣

脉陰陽俱盛大汗出不解者死

素問評熱病論曰汗出而脉尚躁盛者死

脉陰陽俱虛熱不止者死

素問玉版論要篇曰病溫虛甚死

脉至乍數乍疎者死

出素問三部九候論平人氣象論及靈樞根結篇等

脈至如轉索其日死

緊急而不軟是無胃氣也故死

讖言妄語身微熱脉浮大手足溫者生逆冷脉沉細者不過一日死矣


譏言妄語手足逆冷脉沉細者比之上文平人四
息病人脉一至三日死者則較輕矣而叔和以其
輕者則云不過一日死却以其重者則云三日死
也且譏言妄語脉沉細者果其裏證也則若余之
庸亦用承氣湯無不奏其効矣而况明哲之士何
敢恐此證仲景所以名承氣湯者以令等證能
承氣故爾以是觀之叔和非仲景之徒也明矣
此以前是傷寒熱病證候也

右評叔和傷寒例惟貞

辨瘡濕渴病脉證

瘡舊作癰今從玉函改之

按仲景之書卽傷寒雜病論也必非傷寒一病之
論矣是以瘡濕渴三證應是在太陽篇中夫瘡也
濕也渴也均係表病其因雖各殊而其所受之處
皆是太陽也太陽也者指通身之肌表而言也不
論風寒暑濕凡邪在表則均謂之太陽病非謂獨
傷寒受之於太陽乃外邪留於肌表未涉府藏之
稱也蓋叔和以此書爲傷寒一病之論是故以瘡
濕渴非傷寒曰宜應別論然以有太陽病之號也
爲與傷寒相似故但舉瘡濕渴脉證而畧之方治



以置于太陽篇之前也。究竟叔和不知太陽之爲何物。且不知傷寒雜病卽內外二因病之標題。故爾其後諸賢尚不能釋然。但懵然傳誦以爲得仲景古軌之廢也。不亦宜乎。

△傷寒所致太陽病症濕渴此三種宜應別論以爲與傷寒相似故此見之

玉函無傷寒所致四字。○此叔和叙所以分出症濕渴之旨也。其意以非傷寒故宜應別論而以其病與傷寒相似且有太陽病之號也。置諸太陽篇之前矣。但是可見叔和之自太陽篇中撰出症


濕渴而眩其所置焉耳

○太陽病發熱無汗反惡寒者名曰剛痙

反疑而之誤

太陽病發熱汗出而不惡寒名曰柔痙

病源無不字今從之成本惡寒下有者字。○此辨痙也。太陽病者邪在表之癆也。痙者強直反張病也。筋脉強直而頸項強急腰身反張卒口噤不能言者名曰痙也。其人病後血液未復或自利經久津液不足或新產脫血金創亡血之人適感風寒則卒然發痙其無汗者從寒而來也。名曰剛痙其



有汗者從風而來也。名曰柔痙。太陽篇曰：太陽病項背強几几，無汗惡風。葛根湯主之。太陽病項背強几几，反汗出惡風。桂枝加葛根湯主之。蓋視汗之有無而別其剛柔者，所以辨表實表虛而定其藥之緩急大小也。

○太陽病發熱脉沉而細者，名曰痙。

此辨痙脉狀也。發熱惡寒者是知爲太陽表證也。項背強直者卽知爲痙病也。然未定其脉故此見其脈狀以決其爲痙也。乃脉沉細爲津液不足，陽氣不充之診。名曰痙。玉函脉經俱作是爲痙。其言


最切

○太陽病發汗太多，因致痙。

太陽病謂風寒在表也。此雖曰應發其汗，然發之太多亡其津液，故筋脉拘攣以致痙也。

○病身熱足寒，頸項強急惡寒，時頭熱，面赤，目脉赤，獨頭面搖，卒口噤，背反張者，痙病也。

要畧及玉函脉經病下有者，字面搖作動搖。○身熱足寒，頸項強急惡寒，時頭熱，面赤，目脉赤，獨頭面搖，由下虛而上盛，中枯而外熾也。其人素有血液乾枯之因，外寒以乘之，而太陽受鬱，總不得宣



暢故有此也。卒忽也。口噤謂寒慄。口閉也。背反張者。牽強增甚也。蓋此節言瘡之具證也。


○太陽病。關節疼痛而煩脈沉而細者。此名濕痺。濕痺之候。其人小便不利。大便反快。但當利其小便。自此以下辨濕也。太陽病者。病在表之癪也。濕者。霧潤不乾也。天之雨露上濕也。地之水潦下濕也。人之汗液身中之濕也。凡霧潤經久不乾皆能致疾也。夫濕屬陰邪。其性凝滯而沉著。故關節疼痛而煩。其脉沉細也。病之爲言泣澁也。此爲濕邪所阻。而血脉凝泣不行。故名濕痺。其候小便不利。濕

氣漸漬於內。故大便反快。但當利其小便。以宣洩腹中濕氣。蓋周身陽氣總爲濕邪所遏。故一利其小便。俾濕邪有能所去。則陽氣自得疏通也。

○濕家之爲病。一身盡疼。發熱。身色如似熏黃。

要畧無似字。○濕家一身盡疼者。其感也不淺。因爾發熱不亦少也。濕鬱熟蒸。故身色如煙熏之黃。言其色黧暗不明潤也。

○濕家其人但頭汗出。背強欲得被覆向火。若下之早。則噦胸滿。小便不利。舌上如胎者。以丹田有熟胸中。有寒渴。欲得水而不能飲。口燥煩也。



要畧及玉函脉經胸滿之上有或字口燥煩之上
有則字○濕家但頭汗出餘處無汗者其熱未能
徹於周身也背強者爲濕邪所拘而陽氣不利故
也是以其人惡寒甚故但欲得被覆向火則知濕
邪不在裏仍在表也此非可下之證若下之早則
誅伐無過而損胃氣乃虛寒之變其人必爲嘔也
或胸滿以下明其下早之義也但頭汗出而周身
無汗背強惡寒有其他亦可徵之證故置或字夫
胸滿而非腹滿小便不利而非大便不通縱有舌
上如胎亦非黃黑之胎此以丹田有熱胸中有寒
下之義也

故也丹田臍下穴名水道秘而膀胱有鬱熱謂之
丹田有熱也下既不_六通則上不化故心下有水飲
謂之胸中_二有寒也渴欲得水而不能飲者此亦非
裏熱燥渴之徵但水道秘故津液不行呼吸氣燥
而然矣則口燥煩耳此逐一舉其證以明其不可
下之義也

○濕家下之額上汗出微喘小便利者死若下利不
止者亦死


要畧曰濕家身煩疼發其汗爲宜夫濕邪留滯則
周身陽氣痹溢不行而反下之徒虛胃氣以絕陽

氣之根耳是以陽孤而上逆故額上汗出微喘也其人小便自利若下利不止者下焦失其禁約而津液脫去於下也此非死于濕而實死乎醫矣漢謬曰有病不治常得中醫此之謂也

○問曰風濕相搏一身盡疼痛法當汗出而解值天陰雨不止醫云此可發汗汗之病不愈者何也答曰發其汗汗大出者但風氣去濕氣在是故不愈也若治風濕者發其汗但微微似欲出汗者風濕俱去也玉函濕氣下有仍字成本出汗作汗出○風濕相搏者風兼濕合爲一家之病也若欲治之者發其

汗但使微微蒸發則表裏氣和風濕俱去也
○濕家病身上疼痛發熱面黃而喘頭痛鼻塞而煩其脉大自能飲食腹中和無病病在頭中寒濕故鼻塞內藥鼻中則愈

濕家病身上疼痛發熱面黃而喘十三字脉經作病人喘而○此屬濕氣之輕淺者濕不流關節而外客肌表故爲身上疼痛發熱也濕鬱閉陽故面黃而喘頭痛鼻塞而煩也其脉大者濕不內流而外在表也自能飲食腹中和無病者知病不在裏濕氣亦微淺也但病在頭中寒濕故便鼻塞也寒



以濕之性言此內藥鼻中唯使陽氣通則愈內納同

○病者一身盡疼發熱日晡所劇者此名風濕此病傷於汗出當風或久傷取冷所致也

日晡申時也素問生氣通天論曰日西而陽氣已虛氣門乃閉所以濕邪劇於晡時也此病傷於汗出浸潤其身以當風或久納涼於水邊所致也此名風濕言風與濕相合爲病也要畧曰麻黃杏仁薏苡甘草湯主之

○太陽中熱者暍是也其人汗出惡寒身熱而渴也

自此以下辨暍也夏之令謂之暑傷暑謂之暍淮南子云武王蔭暍人于樾下是也中熱中暍中暑同病異名也肌表受暑邪故曰太陽中熱也暑熱開腠理故汗出惡寒也中外俱熱故身熱而渴也要畧曰白虎加人參湯主之

○太陽中暍者身熱疼重而脉微弱此以夏月傷冷水水行皮中所致也

要畧無者字○夏月苦酷暑過飲冷水或生冷瓜果恣食若以布浸於冷水數拭其汗液甚者以水灌洗其身此表陽爲裏陰若外水所鬱住而水氣

不得以宣泄故致水行皮中也其人陽鬱爲熱且爲天令所傷則發熱益甚而榮衛之行爲邪所阻故疼重而脉微弱也要畧曰一物瓜蒂湯主之蓋以水灌洗其身者豈不過飲冷水水行皮中者安得胸中無水耶乃與瓜蒂湯以吐胸中之停水則陽氣達於表汗出而愈此開鬱宣陽之法也其用瓜蒂湯者以微弱脉是水飲抑陽故爾虛家不在此例要畧以此條爲暎末條最佳

○太陽中暎者發熱惡寒身重而疼痛其脉弦細芤遲小便已灑灑然毛聳手足逆冷小有勞身卽熱口

開前板齒燥若發汗則惡寒甚加溫鍼則發熱甚數下之則淋甚

要畧無者字○前條言苦暑取冷而得者此條辨外傷者也發熱惡寒其邪在表也身重而疼痛者熟盛而榮衛爲逆故也其脉弦細芤遲者熟傷氣而然素問刺志論曰氣虛身熱得之傷暑小便已灑灑然毛聳手足逆冷者是乘內虛而陽下陷故也小有勞身卽熟者動身則熱張也口開前板齒燥者裏熱甚盛故也素問生氣通天論曰因於暑汗煩則喘喝是也乃白虎加人參湯證若發汗傷

表氣則惡寒愈甚加溫鍼助陽則發熱益甚數下之亡津液則淋復甚此言汗下溫鍼俱不中與之也。

右辨瘡濕渴病脉證

凡十四章

傷寒雜病論集解卷三畢

